

PERATURAN-PERATURAN PERIKANAN (LARANGAN IMPORT, DSB., BAGI IKAN) 1990*

PADA menjalankan kuasa-kuasa yang diberi oleh seksyen 61 Akta Perikanan 1985, Menteri membuat peraturan-peraturan yang berikut:

1. Nama.

Peraturan-Peraturan ini bolehlah dinamakan **Peraturan-Peraturan Perikanan (Larangan Import, dsb., bagi Ikan) 1990**.

2. Larangan.

(1) Tiada sesiapa pun boleh mengimport, menjual, memelihara atau menyimpan genus ikan hidup sebagaimana yang diperuntukkan dalam Jadual kepada Peraturan-Peraturan ini kecuali dengan kebenaran bertulis Ketua Pengarah.

(2) Ketua Pengarah boleh mengenakan apa-apa syarat yang difikirkan patut dalam kebenaran bertulis yang diberikan menurut perenggan (1).

3. Penalti.

Mana-mana orang yang melanggar peruntukan dalam peraturan 2(1) atau apa-apa syarat yang dikenakan dalam kebenaran bertulis yang diberikan oleh Ketua Pengarah dalam peraturan 2(2) adalah melakukan satu kesalahan dan boleh dikenakan denda tidak lebih dari satu ribu ringgit atau penjara selama tempoh tidak lebih dari satu tahun atau kedua-duanya.

4. Pembatalan.

Peraturan-Peraturan Perikanan (Larangan Import, dsb., "Piranhas") 1973 adalah dibatalkan.

JADUAL (Peraturan 2)

GENUS IKAN YANG DILARANG

1. *Serrasalmus/Serrasalmo/Pygocentrus/Catoprian*
2. *Pygopristis*
3. *Colosomma/Piaractus*

* Diterbitkan sebagai PU(A) 441/90.

4. *Mylossoma*
5. *Myloplus/Myleus*
6. *Pristobrycon*
7. *Myletes*

Diperbuat pada 25hb Oktober 1990.



